



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Prot. n.2817

## ORDINÀNTZIA N.9 DE SU 17 DE MARTZU DE SU 2021

**Ogetu:** **Ulteriores measuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege de su 23 de nadale de su 1978, n.833 in matèria de igiene e sanidade pùblica.**

### SU PRESIDENTE

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale de su 7 de ghennàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege de su 23 de nadale de su 1978, n.833 "*Istituzione de su servitziu sanitariu natzionale*" e in particolare s'art.32 chi disponet "*su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia istèrrida a totu su territòriu natzionale o a parte de issu chi cumprendet prus regiones*", e puru "*in sas matessis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevàntzia internatzionale;



REGIONE AUTONOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- BIDA sa delibera de su Consìgiu de sos Ministros de su 31 de ghennàrgiu de su 2020 cun sa cale est istadu declaradu s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles, finas a su 31 de trìulas de su 2020, prorogadu a su 15 de santugaine de su 2020, a su 31 de ghennàrgiu de su 2021 e, in fines, a su 30 de abriale de su 2021;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu-lege de su 23 de freargiu de su 2020, n.6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae COVID-19*", mudadu, cun modificatziones, in sa lege de su 5 de martzu de su 2020, n.13, a pustis abrogadu dae su decretu-lege n.19 de su 2020 francu s'art.3, comma 6-bis, e s'art.4;
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat s u Presidente de sa Regione Sardinna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege de su 17 de martzu de su 2020, n.18, chi cuntenit "*Mesuras de afortigadura de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, cun sa lege de su 24 de abriale de su 2020, n.27;
- BIDU su decretu lege de su 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege de su 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege de su 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege de su 14 de trìulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de politicas sotziales connessas a s'isvilupu de s'emergèntzia epidemiològica dae COVID-*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- 19", mudadu, cun modificas, cun sa lege de su 17 de triulas de su 2020, n.77;
- BIDOS sos decretos de su Presidente de su Consìgiu de s'11 de làmpadas de su 2020, de su 14 de triulas de su 2020 e de su 7 de austu e sos allegados relativos;
- BIDAS sas ordinàntzias de su Ministru de sa Salude de su 30 de làmpadas de su 2020, de su 9 de triulas de su 2020, de su 16 de triulas de su 2020, de su 24 de triulas de su 2020, de su 30 de triulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;
- BIDU su decretu lege de su 30 de triulas de su 2020, n.83 *"Mesuras urgentes connessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020"*;
- BIDU su decretu lege de su 14 de austu de su 2020, n.104 *"Mesuras urgentes pro s'u sustennu e su rilàntziu de s'economia"*;
- BIDU su decretu de su Presidente de su Consìgiu de sos Ministros de su 7 de cabudanni de su 2020 e allegados relativos;
- BIDU su decretu-lege de su 7 de santugaine de su 2020, n.125, chi cuntenit *"Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/739 de su 3 de làmpadas de su 2020"*, mudadu cun modificatziones dae sa Lege de su 27 de santandria de su 2020, n.159;
- BIDU su decretu-lege de su 28 de santugaine de su 2020, n.137, chi cuntenit: *"Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae Covid-19"*, mudadu cun modificatziones dae sa Lege de su 18 de nadale de su 2020, n.176;
- BIDU su decretu-lege de su 18 de nadale de su 2020, n.172, chi cuntenit: *"Ulteriores dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19"*, mudadu cun modificatziones dae sa Lege de su 29 de ghennàrgiu de su 2021, n.6;
- BIDU su decretu-lege de su 5 de ghennàrgiu de su 2021, n.1, chi cuntenit: *"Ulteriores dispositziones urgentes in matèria de cuntenimentu e gestione de s'emergèntzia epidemiològica dae COVID- 19"*;
- BIDU su decretu-lege de su 14 de ghennàrgiu de su 2021, n.2, chi cuntenit: *"Ulteriores dispositziones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021"*;
- BIDU su decretu-lege de su 12 de freàrgiu de su 2021, n.12, chi cuntenit: *"Ulteriores dispositziones urgentes in matèria de cuntenimentu de s'emergèntzia epidemiològica dae COVID-19"*;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- BIDU su decretu-lege de su 23 de freàrgiu de su 2021 n.15, chi cuntenit: *“Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19”*;
- BIDU su Decretu Lege de su 13 de martzu de su 2021, n.30, chi cuntenit: *“Mesuras urgentes pro fàghere fronte a s'isparghidura de su COVID-19 e interventos de sustennu pro traballadores cun figios minores in didàtica a distàntzia o in barantena”*;
- BIDU su documentu chi cuntenit “Preventzione e risposta a COVID-19: evoluzione de s'istrategia e pianificatzione in sa fase de transizione pro su periodu atòngiu-ijerrale” predispostu dae su Ministèriu de sa Salude, dae s'Istitutu Superiore de Sanidade, dae su Coordinamentu de sas Regiones e Provìntzias Autònomas chi frunit elementos generales pro afortiare sa *preparedness* pro fàghere fronte a sas infetziones in s'istajone atòngiu-ijerru de su 2020-2021 (prot. 7474 de su 12 de santugaine de su 2020 Cunferèntzia de sas Regiones e de sas Provìntzias autònomas);
- BIDU su decretu de su Presidente de su Consìgiu de sos Ministros de su 2 de martzu de su 2021, chi cuntenit: *“Ulteriores dispositziones ativas de su decretu-lege de su 25 de martzu de su 2020, n.19”*, mudadu, cun modificatziones, dae sa lege de su 22 de maju de su 2020, n.35, chi cuntenit *“Mesuras urgentes pro fàghere fronte a s'emergèntzia epidemiològica dae COVID-19”*, de su decretu-lege de su 16 de maju de su 2020, n.33, mudadu, cun modificatziones, dae sa lege de su 14 de triulas de su 2020, n.74, chi cuntenit *“Ulteriores mesuras urgentes pro fàghere fronte a s'emergèntzia epidemiològica dae COVID-19”*, e de su decretu-lege de su 23 de freàrgiu de su 2021, n.15, chi cuntenit *“Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19”*;
- TORRADAS A CRAMARE sas Ordinàntzias pretzedentes pròpias emìtidas in cunforma a s'articulu 32, de sa lege de su 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa sìnrome dae COVID-19;
- TORRADA A CRAMARE s'ordinàntzia pròpia n.5 de su 5 de martzu de su 2021, e in particolare s'art. 4;
- CUNSIDERADA sa netzessidade de adotare mesuras idòneas de compidada e controllu in sos cunfrontos de cussos chi siant intrados in Sardigna, privos de vatzinu o tzertificatzione negativa, chi non si siant sutapostos a su tampone a s'arrivu in su territòriu regionale o chi siant resurtados positivos a su virus COVID19 in cunsighèntzia de sos controllos sanitarios in intrada;
- LEADU ATU chi, pro cussu, est possibile impreare sos datos personales relativos a sos logos de permanèntzia domitziliare de sas pessones de sas cales subra, chi si podent agatare in s'aplicatzione “Sardegna Sicura”, aviende sas verificas netzessàrias subra de su rispetu de sos òbligos relativos de fonte europea, natzionale e



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

regionale;

- EVIDENTZIADU** chi tales datos personales non torrant a intrare tra sas categorias sugetas a tutela afortigada segundu sos art. 9 e 10 de su regulamentu comunitàriu in matèria de privatesa, essende incuadràbiles in sa categoria a manera tradizionale denumenada “datos comunes”;
- RILEVADU** chi, pro cussu, su tratamentu de tales datos dae parte de sa Regione, gasi comente sa comunicatzione de sos matessis a sa Regione dae parte de sos gestores portuales e aeroportuales chi a primu los achirint a su momentu de s’intrada de sos interessados in Sardigna, est deretu connessu a s’emergèntzia sanitària in s’interi e, de cunsighèntzia, non rechedit su cunsensu de custos ùrtimos in cantu s’achisizione de sos datos matessis est presupostu indispensàbile pro s’acumprimentu curretu, dae parte de sa regione, de un’atividade de interessu pùblicu, segundu cantu prevididu dae s’art.2 ter, commas 1 e 2 e dae s’art. 2 sexies, comma 2, de su Dlgs n.196/2003 (Còdighe pro sa protetzione de sos datos personales) e mm.ii.ii.;
- RILEVADU** in particolare, chi s’achisizione de sos datos subra narados dae parte de sa Regione siat indispensàbile a s’acumprimentu de atividades de “*controllu e ispezzione*” (art. 2 sexies, comma 2, lit I), Dlgs n.196/2003) e de tutela de sa “*siguresa e salute de sa populatzione, protetzione tzivile, salvaguardia de sa vida e incolumidade fisica*” (art. 2 sexies, comma 2, lit. U, Dlgs n.196/2003), ossiat de atividades indispensàbiles a sa tutela de s’interessu primàrgiu de sa salute pùblica e a s’erogatzione curreta de sas prestatziones sanitàrias; e custu, comente giai evidentziadu, escludit sa netzessidade de su cunsensu de sos interessados e faghet sa comunicatzione a sa Regione doverosa dae parte de sos gestores portuales e aeroportuales chi a primu los detenent;
- CUNSIDERADU** s’isvilupu de sa situatzione epidemiològica, su caràtere a manera particolare isparghidore de s’epidemia e sa crèschida de sos casos in su territòriu natzionale e, dae ùrtimu, puru regionale in su casu cun riferimentu a sas terapias intensivass;
- BIDA** sa tzirculare de su Ministèriu de sa Salute n.3787 de su 31 de ghennàrgiu de su 2021, chi at comente ogetu: “Aggiornamentu subra de s’isparghidura a livellu globale de sas variantes noas SARSCoV-2, valutatzione de s’arriscu e mesuras de controllu”;
- BIDA** s’ordinàntzia de su Ministru de sa Salute in data 27 de freàrgiu de su 2021, e in particolare s’art.1, pro su cale “in cunforma a s’articulu 1, commas 16 sexies e 16 septies de su decretu lege de su 16 de maju de su 2020, n.33, a decùrrere dae su 1<sup>a</sup> de martzu de su 2021 a sa Regione Sardigna si àplicant sas mesuras segundu sa g.n. “zona bianca”, comente determinadas dae su decretu de su Presidente de su Consighiu de sos Ministros de su 14 de ghennàrgiu de su 2021 e decretos imbenientes adotados in cunforma a s’art.2, comma 1, de su decretu lege de su 25 de martzu de su 2020, n.19”;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- CUNSIDERADU chi segundu s'ordinàntzia tzitada "pro compidare sos *efetos de su rilàsciu de sas mesuras anticontàgiu in sa Regione Sardigna, est istituidu unu tàulu tècnicu istituzionale cumpostu dae sos rapresentantes de su Ministèriu de sa Salute, de s'Istituto Superiore de sa Sanidade e de sa Regione Sardigna*";
- CUNSIDERADU chi, mancari sas mesuras finas a como adotadas epant permittidu unu controllu eficatze de s'infetzione, s'esàmene de sos datos epidemiològicos dimustrat chi sighit a livellu natzionale una trasmissione difusa de su virus e pro cussu devet èssere leada ogni misura de preventzione e controllu netzessària;
- CUNSIDERADU chi sa Regione Autònoma de sa Sardigna, pro cuntènnere sa tzirculazione de su virus, at aviadu su screening de massa in su matessi tempus a sa campagna vatzinale;
- APRETZIADU de dèvere adotare ogni misura ùtile pro evitare chi s'acumprimentu de sa campagna vatzinale e de screening potzant èssere dannizadas dae sa crèschida eventuale de sos contàgios;
- APRETZIADU chi sas situatziones finas a inoghe espostas integrent sas cunditziones de etzetzialidade e netzessidade urgente de tutela de sa salute pùblica, indirizadas a contrastare e cuntènnere s'isparginadura de su virus;
- CUNSIDERADU chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indirizadas a garantire s'atuatzione de sos programmas de profilassi elaborados in sede internatzionale e europea in prus chi natzionale, graduende sas mesuras segundu s'ispetzifitzidade de su cuntestu territoriale interessadu, cunforma a sos printzìpios de sensu, proporzionalidade e adeguateza a s'arriscu a manera efetiva presente in su territòriu regionale;
- CUNSIDERADU chi s'art.57, comma 4 de su DPCM de su 2 de martzu de su 2021, istabilit chi "sas dispositziones de su decretu presente si àplicant a sas Regiones a istatutu ispetziale e a sas Provìntzias autònomas de Trento e de Bolzano a manera cumpatibile cun sos Istatutos rispetivos e sas normas relativas de atuatzione";
- DADU ATU de sas potestades primàrgias atribuidas a sa competèntzia regionale dae sa Lege Costituzionale de su 26 de freàrgiu de su 1948, n.3;
- ATESU chi faghet parte de sas competèntzias primàrgias de sa Regione Autònoma de sa Sardigna riferidas a sas matèrias torradas a pònnere a sa podestade legislativa e amministrativa pròpia e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale, valutare e apretziare sos interventos netzessàrios pro sa tutela de sa salute pùblica;
- TORRADU A CRAMARE s'articulu 2, comma 1, litera a), de su decretu lege de su 7 de santugaine de su 2020, n.125, mudadu cun modificatziones dae sa lege 27 de santandria de su 2020, n.159, segundu su cale "*pro garantire s'acumprimentu in cunditziones de siguresa de sas atividades econòmicas, produtivas e*



REGIONE AUTONOMA DE SARDIGNA  
REGIONE AUTONOMA DELLA SARDEGNA

SU PRESIDENTE

*sotziales, sas regiones còmpidant cun cadèntzia fitiana s'andamentu de sa situatzione epidemiològica in sos territòrios pròpios e, in relatzione a tale andamentu, sas cunditziones de adeguatesa de su sistema sanitàriu regionale. Sa Regione, informende in su matessi tempus su Ministru de sa Salute, podet introduire mesuras derogatòrias restrittivas cunforma a cussas disposas in cunforma a s'articulu 2 matessi, ossiat, ebbia in sos casos e in su rispetu de sos critèrios prevididos dae sos decretos tzitados e de intesa cun su Ministru de sa Salute, puru ampliativas”;*

**BIDU** chi subra de sa base de sos datos frunidos in data 16 de martzu de su 2021 dae s'Unidade de Crisi Regionale sa situatzione de su contàgiu dae SARS – CoV-2, registrat 172 ricoverados in ispidales in degèntzias de s'àrea mèiga, in prus a 29 ricòveros in terapia intensiva subra de una disponibilidade attuale de 208 postos letu de terapia intensiva (+35 ativàbiles in 24- 48h);

**APRETZIADU** de adeguare a sas ulteriores cunditziones epidemiològicas locales mudadas, sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de s'isparghidura in su territòriu de sa Regione Sardinna de su COVID-19, in cunforma a s'art.32 de sa lege de su 23 de nadale de su 1978, n.833 in matèria de igiene e sanidade;

## ÒRDINAT

**ART.1)** S'intrada in Sardegna cun sa finalidade de andare a sas domos pròpias diversas dae cussa printzipale (g.n. segundas domos) dae parte de pessones “non residentes” est cunsentidu ebbia in presèntzia de esigèntzias de traballu iscumproadas o situatziones de netzessidade e/o de indiferibildade documentada ossiat pro motivos de salute e, semper e cando, segundu sas prescritziones de s'Ordinàntzia regionale n.5/2021.

**ART.2)** Sos vetores e sos armadores:

- In antis de s'imbarcu de sos passigeris achisint e verificant, in prus de sa retzida de sa registratzione avènnida de sos passigeris in s'aplicatzione “Sardegna Sicura”, segundu s'articulu 1 de s'Ordinàntzia n.5/2021, sa documentatzione chi atestat su possessu de sos rechisidos previstos dae su DPCM de su 2 de martzu de su 2021 pro sos ispostamentos dae sas Regiones de provenièntzia e dae s'articulu1 de s'Ordinàntzia presente;
- proibint s'imbarcu in su casu chi sa documentatzione in antis narada non siat completa o sos passigeris non siant in possessu de sos rechisidos subratzitados.



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- ART.3) Su Corpus forestale e de vigilàntza ambientale agiudat su personale sanitàriu de ATS in sas atividades de compidada e controllu de sas tzertificatziones de vatzinatzione avènnida e de sutaposizione a su tampone molecolare o antigènicu, declaradas dae sos passigeris in sa piataforma “Sardegna Sicura” segundu s’articulu 4 de s’Ordinàntzia n.5/2021.
- Sas Sotziedades de gestione de sos aeroportos e s’Autoridade de Sistema Portuale de su Mare de Sardigna, in coordinamentu cun sos òrganos istatales cumpetentes, individuand a in intro de sos iscalos sas àreas in sas cales su personale de ATS e de su CFVA acumprit sas atividades de verifica subra naradas.
- ART.4) Sos sindigos, in calidade de Autoridade de protetzione tzivile e sanitària, vigilant subra de su respetu de sas dispositziones de s’Ordinàntzia n.5/2021, disponende mesuras idòneas de compidada e controllu subra de su respetu de sa permanèntzia domitziliare in sos tzentros abitados, pro mèdiu de sa Politzia locale e sas Cumpagnias barrantzellares, e ant a trasmittere sos datos regortos in sa Sala Operativa Regionale de sa Direzione Generale de sa Protetzione Tzivile.
- Su Corpus Forestale e de Vigilàntzia Ambientale vigilat subra de su respetu de sas dispositziones de s’Ordinàntzia n.5/2021, disponende mesuras idòneas de compidada e controllu subra de su respetu de sa permanèntzia domitziliare in sas àreas rurales e montanas, in cussas de sas costeras e in sos àmbitos non torrados a cumprèndere in sos tzentros urbanos.
- ART.5) Sos passigeris chi, in atuatzione de s’articulu 4 de s’Ordinàntzia n.5/2021, si sunt sutapostos a su tampone lestru antigènicu a sa de chimbe dies imbeniente a cussa de sutaposizione a su primu tampone in sas àreas dedicadas in sos portos e aeroportos, o chi si sunt sutapostos a su tampone molecolare intro de 48 oras dae s’intrada in su territòriu regionale, divent dare atu de s’acumprimentu avènnidu pro mèdiu de sa piataforma segundu s’articulu 1 de s’Ordinàntzia matessi.
- ART.6) Pro totu cantu non disciplinadu a manera espresa dae s’ordinàntzia presente faghet rinviiu espressu a su DPCM de su 2 de martzu de su 2021 e allegados relativos.
- ART.7) Sas dispositziones cuntènnidas in s’ordinàntzia presente ant a àere balididade dae su 18 de martzu 2021 e finas a su 6 de aprile de su 2021, mancari cantu





REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

istabilidu dae s'articulu 5 chi at a àere decurrèntzia dae su 23 de martzu de su 2021.

Mancari chi su fatu non costituat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art. 2 de su D.L. 33 de su 16 de maju de su 2020 mudadu, cun modificatziones, in sa Lege de su 14 de trìulas de su 2020, n.74).

S'ordinàntzia presente benit trasmitida, segundu sas cumpetèntzias respetivas, a su Presidente de su Consìgiu de sos Ministros, a su Ministru de sa Salute, a sos Amministradores de sas Provintzias de su territòriu regionale, a su Sindigu metropolitanu de Casteddu, a sos Sindigos de sos Comunes de sa Sardigna, a su Corpus Forestale e de Vigilàntzia Ambientale, a sos Prefetos de sos Ufìtzios territoriales de Guvernu de sa Sardigna, a sos Assessoros regionales, a sas sotziedades de gestione aeroportuale, a s'Autoridade de Sistema Portuale de su mare de Sardigna, a sas cumpagnias marìtimas e aèreas interessadas e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS  
REGIONE AUTÒNOMA  
DE SA SARDIGNA -  
SISTEMA REGIONE  
17.03.2021 21:03:32  
UTC

Traduzione de s'operadora de s'isportellu linguisticu de Romana  
Maria Leonarda Correddu